

Գ Լ ՈՒ Խ Ճ Ղ Ե .

Թուղթ պարտուց կնոջ ամուսնացելոյ եթէ գտցի առն կնոջ յանմիկ գործս վաճառականի 'ի տարր յաշխարհ արժան է մինչև 'ի միոյ տարոջ երկու հարիւր դահեկան երծաթի ոչ ևս աւելի քան զայս :

Գ Լ ՈՒ Խ Ճ Ղ Զ .

Ամենայն աղաւաշ խաղացող թէ թղթաւ եթէ ջօնկով ճանաւ և այլն, ցերեկն գտեալ ըմբռնեսցի և կողոպտեսցի զոր ինչ գտցի 'ի ձեռին և տացի տանն ողորմութեան հայոց, այլ 'ի գիշերն վասն անցուցանելոյ ժամանակ երկայնութեան գիշերի խաղացողքն մի շահեսցի և կորուսցի աւելի քան թէ երկու դահեկանս արծաթի, յաւելի քան զայս անարժան է և պարտաւոր տուգանաց :

Գ Լ ՈՒ Խ Ճ Ղ Ե .

Ամենայն ոք որ բանասցէ բերանս իւր բանիւ նախատանաց ընդ դէմ ում որ իցէ թէ ընչի թէ պատուոյ՝ պարտէ ընդունիլ դատաստան, և եթէ բան բերանոյ իւրոյ ոչ կարասցէ արդարացուցանել վկայիւք և հաստատել առաջի ատենի՝ դատաստանի պատիժս գտցի :